

積學齋叢書

第

冊

續學齋叢書

卷一

詩

管子義證卷六

臨海洪頤煊

卷十六

內業第四十九

而可迎以音

念孫案音卽意字也言不可呼以聲而但可迎之以
意也音與力德德得爲韻明是意之借字若讀爲聲
音之音則失其韻矣下文惡音與聲脩心靜音音以
先言音然後形音字亦讀爲意心術篇意以先言意
然後形是其明證也

不見其形不聞其聲而序其成

星衍案文選辨命論注引作視之不見其形聽之不聞其聲而序其成者道也

神明之極照乎知

頤煊案照當爲昭乎字衍昭知萬物爲句與上下文極貳合韻心術下篇作神莫知其極昭知天下通於四極其證也尹注非

精將至定

念孫案至當爲自上文精將自來卽其證也尹注非能搏乎能一乎

念孫案古專字通作搏譌而作搏見幼官篇

能無卜筮而知吉凶乎

念孫案吉凶當依心術篇作凶吉吉與一爲韻

傷而形不臧

星衍案傷上當有脫字

理丞而屯泄

引之案尹以屯爲屯聚非也丞讀爲烝烝升也泄發

也屯當爲毛字之誤也

史記魯世家子屯立是爲康公漢書律歷志屯作毛漢書

溝洫志河決於館陶分爲屯氏河師古曰言得道之

人和氣四達烝泄於毛理之間故匈中無敗也淮南

泰族篇今夫道靜莫恬淡四枝節族毛蒸理泄是其

證也淮南言毛蒸理泄此言理烝毛泄互文耳

封禪第五十

顧煊案封禪篇唐初尙未亡史記封禪書索隱云今管子封禪篇是也尙書序正義禮記王制正義文選羽獵賦注引此篇古者封泰山禪梁父以下皆作管子是孔冲遠司馬貞李善輩猶見之

炎帝封泰山

星衍案禮記王制正義引炎帝作少皞

小問第五十一

公曰吾聞之也

念孫案當作夷吾聞之也此管仲語非桓公語

百川道

念孫案道猶順也楚語曰違而道從而逆是其證

川道年穀孰糴貸賤三句相對爲文尹注非

發食廩

星衍案食是倉字之譌

其臣教

引之案教當爲敘

色介反

敘與豐正相對玩注意亦是

殺字也殺字或書作敘形與教相近

公遵遁繆然遠二三子遂徐行而進

念孫案公遵遁繆然遠爲句二三子遂徐行而進爲

句遵遁與逡巡同尹注大謬

先傳曲木先傳直木

星衍案意林兩傳字俱作搏

與若之多虛而少實

引之案若當爲君下文云又與君之若賢是其證也
尹注大謬

瞑目而視祝鳧已疵

念孫案瞑目當爲瞋目隸書眞字或作冥冥字或作
寔二形相似而誤莊子秋水篇瞋目而不見邱山瞋
本或作瞑韓子守道篇瞋目切齒傾耳淮南道應篇
伙非瞋目敦然今本瞋字並譌作瞑是其證也

桓公放春三月觀於野

頤煊案放古字通作方尙書堯典方命圯族漢書傳
喜傳王商傳俱作放命圯族荀子子道篇不放舟楊

倂注放讀爲方尹注非

桓公北伐孤竹

星衍案水經濡水注按管子齊桓公二十年征孤竹走馬前疾

星衍案太平御覽三百二十九引作馬前疾走

若右涉其大濟

念孫案劉逵吳都賦注水經濡水注藝文類聚戰伐部引此並作已涉大濟當據改太平御覽神鬼部二引此作已涉其大濟則所見本已誤衍其字唯已涉

二字不誤

說苑辨物篇作已渡事果濟

未有室家而安召我居甯子其欲室乎

管子事說卷六
星衍案藝文類聚三十五太平御覽五百引作未有
家室我將安歸甯子其欲室乎仲以其言告桓公
有執席食以視上者

念孫案視上當爲上視尹注云私目上視卽其證也
北堂書鈔武功部二引此正作上視呂氏春秋重言
篇說苑權謀篇亦作上視

東郭郵至

星衍案金樓子志怪篇作却隸釋孫根碑郵本作却
說苑權謀篇作垂卽郵字之省北堂書鈔一百十四
引作牙與呂氏春秋重言篇同

與之分級而上

念孫案上當爲立此因與上句相涉而誤呂氏春秋
說苑及論衡知實篇並作分級而立

小人善意

念孫案意讀爲億億卽度也尹注非

口開而不闔是言莒也

頤煊案顏氏家訓音辭篇云北人之音多以舉莒爲
矩東郭牙望見桓公口開而不閉故知所言者莒也
然則莒矩必不同呼此伐莒以音而知非論字形尹
注非

唯莒於是

念孫案尹注未曉於是二字之義於是二字與焉字

管子 卷十七
同訓言臣觀小國諸侯之不服者唯莒焉故曰伐莒也莊八年公羊傳吾將以甲午之日然後祠兵於是於是卽焉也僖十五年左右傳晉於是乎作爰田晉於是乎作州兵晉語作焉作轅田焉作州兵西周策君何患焉史記周本作君何患於是此其明證矣

卷十七

七臣七主第五十二

不許則國失勢

星衍案許卽悟字與寤通用謂不覺寤也下俱同尹注非

昏則緩急俱植

頤煊案植古置字

向書金縢植壁秉珪鄭注植古置
字論語植其杖而芸熹平石經作

置其杖

謂緩急皆置而不行尹注非

國家踣

念孫案度路爲韻時蓄爲韻今本路作踣乃後人不
知古義而妄改之耳下文亡國路家今本路作踣亦
是後人所改

故民有義不足

念孫案義當爲羨字之誤也後國蓄篇輕重已篇多
言羨不足尹注非

保大衍

頤煊案保當作僂輕重已篇作毋戮大衍古通作勳

管子
謂盡其力也尹注非

傷伐五穀

念孫案五穀當爲五藏禁藏篇云冬收五藏是也今作五穀者因與注文相涉而誤注言五穀之藏是解五藏非解五穀也續漢書五行志注引此正作傷伐五藏

則百長不生

星衍案續漢書五行志注作春政不禁則五穀不成夏政不禁則草木不榮

大風漂屋折樹

星衍案漂當依續漢志注作飄樹下有木字

山多蟲蠹

念孫案蟲蠹卽蟲螟月令曰蟲螟爲害是也注內蠹卽蚤三字蓋妄人所加非尹注也

亡國之庶也

星衍案續漢志注引庶作簾

羽劍珠飾者

星衍案續漢志注引羽劍作翠羽

文采纂組者燔功之室也

星衍案續漢志注引作五采纂組者蕃功之室也

則人主道備矣

星衍案續漢志注引作則王道備也

管子
禁藏第五十三

夫冬日之不濫非愛冰也

星衍案意林太平御覽二十二又三百九十五引濫作盟冰作水

夫先易者後難

星衍案依注者當作而

夜以續日

星衍案意林引續作繼

海深萬仞

星衍案意林太平御覽八百三十三引作百仞

就彼逆流

星衍案意林引作衝波逆流

菹笠

頤煊案菹當作菹注云取菹澤草以爲笠字亦作菹則功戰巧矣

頤煊案功古通作攻字

萩室煖造

念孫案尹說甚謬輕重已篇教民樵室鑽鑿堽竈泄井所以壽民也鑽鑿泄井卽此所謂鑽鑿易火杼井易水也樵與萩古字通萩室卽樵室也公羊春秋桓七年焚咸邱傳曰焚之者何樵之也樵之者何以火攻也樵室與煖竈意相近皆謂以火乾之也堽與煖